

Protocol no. 52  
Sezzüda da gövgia, 24 schner 2013 / 19.30 – 23.00

**Preschaints:** Albert Mayer, Andri Poo, Men Caviezel, Dumeng Jann, Marianne Werro-Lehmann e Marco Fallet (protocol)

**Protocol**

Il protocol no. 51 da la sezzüda da marcurdi, als 16 schner 2013 vain approvà.

**444 011                    LEGISLATIVA**  
**Perimeter da fusiun Engiadina Bassa, dumonda dal cumün da**  
**Guarda**

Cun charta dals 19 december 2012 ha il cumün da Guarda inoltrà a la grupp dal proget fusiun (Ardez, Ftan, Scuol, Sent, Tarasp) la dumonda, sch'el nu's pudess participar a partir da subit al proget da fusiun. Cun charta dals 7 schner 2013 ha lura il president da la grupp dal proget, Christian Fanzun, inoltrà la dumonda a l'uffizi per cumüns dal Grischun. Als 11 schner 2013 ha quel respus als Cussagls dals cumüns da fusiun. La strategia dal Chantun cumpiglia la promoziun da tuottas fusiuns da cumüns, però adüna in resguardont il fat, chi nu detta per ün cumün consequenzas negativas decisivas. Per eruir ün'eventuala necessità d'agir dals cumüns pertoccats fa l'uffizi a quels alchünas dumondas. Davopro gnarà lura trattada la dumonda in möd concret.

**445 86                    PROVEDIMAINTE ELECTRIC**  
**Offerta da l'EE pell'administraziun dals quints dad aua e**  
**chanalisaziun**

La tractanda sto gnir spostada, causa chi bsögna qua amo ulterius sclerimaints.

**446 86                    PROVEDIMAINTE ELECTRIC**  
**Incumbenza da prestaziun, mantegnimaint e gestiun da l'ouvra**  
**electric da Sur En**

L'Energia Engiadina evada quella lezcha, p.ex. in incumbenza dal cumün da Tarasp, in basa d'üna curvegna da prestaziun. Il Cussagl ha tut per mans quista fatschenda, causa cha fingià il vegl Cussagl vaiva s'occupà d'üna soluziun simila. Il vicecapo, A. Poo, vain incumbenzà da far ils sclerimaints tant cul respunsabel da l'implant sco eir cul silvicultur. Pür davo gnarà lura eventualmaing decis in fatschenda.

**447 7                    AMBIAINTE E PLANISAZIUN**  
**Plan directiv, charta davart Jürg e Mina Mader-Werro**

Ils manzunats rendan attent, cha la deponia da material, parcelas nr. 831 ed 832 giò Chanals nu figüra süls plans publichats e giavüschan da reponderar la fatschenda. Il Cussagl surdà la fatschenda a la cumischiun da planisaziun ad examinaziun.

448 942.503

### **Stabilimaints possess da finanzas**

#### **Stabilimaint Post Sent, respostas davart sar Olivetti**

Las respostas süllas dumondas fattas dal Cussagl a chaschun da l'ultima sezzüda sun avantman:

Sco prossem pass decid'il Cussagl da salvar üna sezzüda culs respunsabels da l'agentura, culs cusgliader giuridic ed il rapreschantant davart da la Posta areg. la fundaziun d'üna cumünanza da proprietaris in condomini per trattar ils ulteriurs pass in fatschenda. Il Capo e la cusgliera, Marianne Werro, fan part a quella sezzüda.

449

### **DIVERSAS S-CHEFS**

#### **Men Caviezel / Proget "Teleferica" Valtellina (Drahtseilriese)**

Quel proget d'eira gnü realisà in connex cullas eivnas da god 2008 ed as ha verificchè cun ün zuond bun rebomb. Uossa sta in discussiun üna cuntinuaziun culla realisaziun dal proget "Teleferica Valtellina II" cun ün pitschen "center da Valtellina", chi prevezza cuosts da raduond fr. 18'000.00.

La teleferica ais ün fil nostalgic chi gniva ütilisà in nossas regiuns fin avant var 40 ons, chi funcziuna cun aigna gravitaziun (Schwerkraft). L'installaziun d'ün tal indriz d'eira gnüda realisada dal 1935/36 dal silvicultur circuital (Ramosch-Scuol) Not Luzzi i'l cuntegn da Val d'Assa.

Üna gronda part da las lavuors po gnir realisada our d'aignas prestaziuns. La lavur pudess gnir sustgnüda cun giarsuns dals reviers chi fan part a la grappa da god Engiadina Bassa e Val Müstair, mo eir cun otras gestiuns forestalas. Ultra da quai ha la scoula da Majavilla segnalisà sustegn da quist proget. I's po quintar cun ün sustegn our dal fuond BWF, chi suottastà a la SELVA e davart da la PEB as quinta medemmaing cun alch sustegn.

La ditte Otello Franzoni da San Pietro in Valtellina füess pronta da dedichar in möd gratuit ün tal indriz chi pudess gnir installà a Sur En (sül Plan da la Jürada) e serviss sco ulterior model cultural.

Ils cuosts restants s'amuntan lura amo i'ls contuorns da fr. 5'000.00.

Da princip chatt'il Cussagl il proget previs üna buna chosa, chi dess in mincha cas gnir realisada. Quai decid'el cun vusch unanima.

450

### **ORIENTAZIUNS**

#### **Pista Sömme divers puncts**

*Sezzüda cun Egon Scheiwiler e Nikolaus Bösch areg. la refacziun da l'aua sü Niruns*

Il Capo, Albert Mayer, orientescha sur dal lö e termin da quella.

#### *Pista Sömme*

Il Capo manzuna, chi gnä uossa montada üna tabla da muossavia giosom la pista Sömme. La grappa da god fa l'installaziun e las pendicularas Scuol Motta Naluns tilla finanzieschan.

#### *Quint pella forz'electricca da la pompa dal reservuar Roslas*

Seguond contrat tanter il cumün da Sent e las pendicularas Motta Naluns surpiglia il cumün dals 1. avrigl fin als 30 october ils cuosts da la forza electricca. Dals 1. november fin als 31 marz surpiglian las pendicularas quels cuosts. Uossa es gnü constatà, cha da lur vart saja gnü invlidà d'ürant ils ultims 8 ons da trametter il quint al cumün. Seguond indicaziun s'amunta quella somma a var fr. 5'000.00 l'on. Il Cussagl ais uossa landervia da chattar üna soluziun.

#### *Quint resp. pajamaint da la pompa nouva*

La pompa manzunada survart es gnüd'installada be l'on passà. Seguond contrat surpiglia il cumün da Sent 2/3 dals cuosts (somma da ca. fr. 90'000.00). Il quint davart las pendicularas vain uossa tramiss (ca. fr. 60'000.00). L'import vain inchargià al quint 2012, investiziuns – 3. etappa d'innaiver.

### *Shuttle-bus a Sent*

In quell connex manzuna Marianne Werro, cha seguond punct 4 dal contrat dals 31 avuost 1998 tanter il cumün da Sent e las pendicularas ais il cumün oblià da pisserar per ün access satisfacent e sainza privel a la fin da la pista Sömmi. Quel fat sto gnir tgnü in ögl.

### *Ebexpo 2013*

Ils respunsabels han ingrazchè in scrit pella contribuziun dal cumün da Sent. Ils Capos sun invidats als 26 avrigl 2013 ad ün aperitiv.

### *Parc Naziunal Svizzer / giubileum 100 ons (2014)*

Ils respunsabels han ingrazchè in scrit pella contribuziun dal cumün da Sent.

### *APUC - Autorità da protecziun d'uffants e da creschüts / Engiadina – vals dal süd*

Quella invida a la festa d'inauguraziun süls 6 favrer 2013 a las 14.00 a Zernez. Il vicecapo, Andri Poo, fa part.

### *Egalisaziun da finanzas / consultaziun da la nouva ledscha*

Davart dal Chantun vain informà als cumüns in fatschenda. Il Capo, Albert Mayer, ed il contabel, Rico Zini faran part a l'infuormaziun chi ha lö als 6 favrer 2013 a Zernez.

451 62

### **VARIA**

### **VIAS CUMÜNALAS**

### **Charta Jachen Mosca areg. catramar las duos vias da Curtin sura vers Archas**

Il Cussagl vaiva tut cugnuschentscha da la charta, la quala ais gnüda suottascritta d'üna part dals tangats da quellas vias. Jachen Mosca as retira sün üna decisiun da la radunanza da l'on 1971, chi prevezzaiva da realisar las surfatschas da catram sün tuottas vias cumünalas, però in etappas.

I vain decis d'infuormar in scrit, cha'l Cussagl prevezza da realisar la part fin e cun pro l'entrada da la chasa nouva d'Andri Mosca. La realisaziun sarà pür pussibla, davo cha'l fabricat da la chasa ais fini. Quai sarà il cas da prümavaira dal 2014.

Pella part restanta (jassa fin chasa da Jacob Linsel e vers vest fin jassa Stricker) prevezza'il Cussagl d'examinar quantinavant ch'üna realisaziun saja pussibla.

L'actuar:  
Marco Fallet

Il Capo:  
Albert Mayer

*Las fatschenda nr. 443 nu vain publichada, causa cha quella suottastà al secret d'uffizi.*